



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 80. Sessio XV.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. LXXIX.

Sæcul. XV.

A. C. 1433.

Papa Synodo adhærere pollicitus.

Synodus ad hæc extrema non alia ex
 ratione descendit, quam quia Euge- *Vid. supr.*
 nius assiduis Sigismundi suasionibus impul- *§. XXIII.*
 sus, sese Basileensibus Patribus ad stipula-
 turum promiserat, dummodo illi omnia
 contra ipsum, Cardinales suos nec non
 adversus eos, quos nomine suo Præsidis
 vices acturos miserat, hucusque decreta
 revocarent; necdum enim quatuor Eu-
 genii Papæ Præsides admittebantur.

§. LXXX.

Sessio decima quinta.

Hanc ob rem Patres vigesima sexta No- *Labbe Conc.*
 vembris, quæ erat feria quinta, de- *to. 12. p. 525.*
 cimam quintam celebrant Sessionem, cui
 etiam Imperator interfuit. In illa non-
 nulla conduntur decreta, quibus sanc-
 tum, ut Synodi Provinciales ex anti-
 quorum Canonum præscripto quotannis
 bina vice aut saltem semel in anno con-
 vocentur, atque ab ipsomet Episcopo Dice-
 cesano, nisi legitime impeditus fuerit,
 celebrentur; hæc autem Concilia biduo
 aut triduo, prout Ecclesiarum necessitas
 suaserit, perdurent. Præterea statutum,
 quod prima die, qua ejusmodi Synodus
 cele-

Sæcul. XV. celebrabitur, sermo haberetur, in quo
 A. C. 1433. congregati ad sectandam morum puri-
 tatem, & vitam sancto Sacerdotij statum
 conformem, necnon ad conservandam
 Ecclesiasticam disciplinam admonerentur,
 singulis diebus Dominicis, aliisque sole-
 mnioribus festis plebs fidei doctrinis im-
 bueretur, ac postea perlectis synodalibus
 statutis, modus condigne Sacramenta
 ministrandi præscriberetur, & de vita, ac
 moribus Sacerdotum, & Clericorum so-
 lenter inquireretur, & si qui simoniaci, u-
 furarii, concubinarij, aut aliis quibusvis
 criminibus obnoxii invenirentur, debita
 correctione cohibendi essent. Revocave-
 rant nimirum Patres avitam Ecclesiæ di-
 sciplinam auctoritate quinti Canonis pri-
 mi Concilii Nicæni, & Canonis II. pri-
 mæ Constantinopolitanæ Synodi introdu-
 ctam, quæ usque ad Concilium Gene-
 rale (*) sub Adriano II. celebratum per-
 petuo vigeat.

§. LXXXI.

(*) *Hæc Synodus non alia est, quam Conci-
 lium Constantinopolitanum VIII, quod 5. Octo-
 bris anno DCCCLXXXIX. inchoatum le-
 gitur.*